

第〇六七冊

方輿彙編

職方典

順天府部

永平府部

(卷)

聖一齒

聖一堯

古今圖書集成

中華書局影印

欽定古今圖書集成方輿彙編職方典

第四十七卷目錄

順天府部雜錄八



職方典第四十七卷

順天府部雜錄八

野獲編慈壽寺去阜城門八里聖母慈聖皇太后所建蓋正德間大瑞谷大用故地經始於萬曆四年凡二歲告成入山門卽有窄塔波高入雲表名永安塔華煥精嚴蓋慈聖既捐帑各邸復助之因速就如此湧幢小品慈壽寺在阜城門外八里宣文皇太后所建成於萬曆六年秋殿宇壯麗一塔聳出雲漢四壁金剛像如生

燕都游覽志八里莊慈壽寺神宗爲慈聖皇太后建也寶藏閣係聖母御筆題稍西一道觀世宗時極盛今類楹殘礎滅沒於荒榛翳莽中矣
帝京景物略萬曆丙子慈聖皇太后爲穆考薦冥兼爲神宗祈嗣卜地阜城門外八里建寺寺成賜名慈壽勅大學士張居正撰碑時瑞蓮產於慈寧新宮命閣臣申時行許國王錫爵賦之碑勒寺左寺有永安壽塔塔十三級聳雲中中爲延壽殿後爲寧安閣閣扁慈聖手書後殿奉九蓮菩薩數現授太后經者

玉堂書記九蓮菩薩者孝定皇后夢中授經者也覺而一字不遺因錄八大藏中旋作慈壽宮其後建九蓮閣內塑菩薩像跨一鳳而九首寺僧相傳菩薩爲孝定前身也

長安客語慈壽寺傍有菴曰摩訶菴不甚大潔淨特勝他菴殿前後多松檜四隅各有高樓疊石爲之登樓一望川原如織西山蒼翠欲與入衣被接右卽法藏菴爲摩訶別院僧無鉉所冊無鉉善琴

帝京景物略摩訶菴嘉靖丙午建也菴有樓以望西山天啓中魏瑞過菴下偶指其樓曰宜去之卽日毀其西有大乘菴

行國錄昌運宮大監張永建

耳譚宛平縣西黃村有勅賜保明寺寺中尼呂氏陝人正統間駕出關尼送駕苦諫不聽及上還輟復辟念之乃建寺賜額人稱爲皇姑寺

燕都游覽志順天保明寺是比丘尼焚修處寺建自呂姑正統間諫阻北征不聽後復辟念之封爲御妹建寺賜額藏順天手勅三道有寺人司戶人不易入野獲編皇姑寺在京師西山不知所始嘉靖六年丁亥上諭輔臣楊一清云前有旨下部謂尼僧與僧道不同而尼僧寺與僧寺道觀又不同今因桂萼奏毀尼寺已行下矣今若皇姑寺仍留是不去其根也乃旨出之後三四日不知何日京奏兩宮皇伯母見諭以皇姑爲孝宗所建似不可毀聖母亦以孝宗爲言蓋小人進禍福之言故兩宮一時傳諭夫日聖母又諭欲建一寺則將此寺與我亦好蓋此寺乃皇親內官供給信施必有請告之者矣按世宗此旨已洞見

宮掖隱情既而聖諭又下輔臣楊一清等曰慈訓兩頒宜卽順命但懲惡須去本方免後患今將此寺房留與無歸尼僧暫住止著終身不許復引其類其祖宗時所賜勅額追回此旨既下其後因循至今又八十年矣尼僧之增日多宣淫日盛擅施亦日益不貲矣蓋其根株既在內庭以世宗英斷尙不能鏟除况後世乎自丁亥後又十年而霍文敏韜爲南禮卿首逐尼僧盡毀其菴金陵一片地頓爾清淨霍去而尼復集菴復興更倍往昔矣是時上又密諭閣臣云朕又將有議此寺額名之意并告卿知夫順天保明者明是我朝國號此言尼僧之祖能順聖祖奉天開極此惟皇天命之何待後日以一妖尼能保大明也哉又云皇姑者九不好聽言我皇家之姑也當時此寺云勅賜不云勅建便可見非祖宗本意也故朕深嫉之因與卿密知之觀世宗屢諭不特明晰事理且曲揣人情真是禹鼎秦鏡且開論輔弼曲從兩宮之意然於實錄中僅載一二語不能如此詳明不知述史者何所諱也予今所記亦僅十之四五耳

滕中

袁中郎集惠安伯張元善園中牡丹自言經營四十餘年筋力半疲於此自籬落至門屏無非牡丹也最後一空亭周遭皆芍藥密如韭畦約有千餘本帝京景物略都城牡丹時無不往觀惠安園者園在嘉興觀西二里堂後牡丹數百畝
燕都游覽志門頭村去郊西八里許西山門徑故名

蘄丘集帝京西十五里海淀凡二南則簡於白龍廟又南湊於湖北斜鄰婁响又西五里為響山又五里為青龍析河東南流入於淀之夕陽延而南者五里旁與巴溝鄰曰丹稜沿沿之大以百頃十畝瀦為湖

西有貴人別業在焉後有樓泚自垣以西入於樓之瀦為小湖中多菱茨魚蝦上有竹萬個又有石苔沙棠甘菊忍冬藤蕪之屬蔓延以入於泚樓外有大查鐵鎖縱之以度行者南為官道東入海淀循泚而西町歷相連有石梁曰西勾復瀦為小溪溪上有大磐石溪中倒映見西山諸峰小魚淦淦如吹雲又南為陂五六泚水再瀦為溪有村曰東雉水入地中出於巴溝自溝達於白石以入於高粱湖而北自嶠响入於西湖東有古祠斷碑尚存乃元上都路制使采里真撰文上有丹稜泚字餘皆磨滅泚雖小然忽瀦忽隱可舟可釣蓋神阜之勝也

長安客話高粱橋西北十里平地有泉四出瀦為小溪凡數十處北為北海淀南為南海淀北海之水來自巴溝或云巴溝即南海淀也有石梁一是曰西勾巴溝之旁有水從青龍橋河東南流入於淀南五里為丹稜泚又南為陂五六出於巴溝達白石橋與高粱水合

帝京景物略巴溝自青龍橋東南入於淀淀南五里丹稜泚泚南陂五六達白石橋與高粱水并泚之西可泛舟李武清以為園方十里正中挹海堂堂北亭置清雅二字明肅太后手書也園北有橋曰婁兜一曰西勾

燕都游覽志武清侯別業額曰清華園廣十里園中

牡丹多異種以絲蝴蝶為最開時足稱花海西北水中起高樓五楹樓上復起一臺俯瞰玉泉諸山御書青天白日四字於中東西書光華乾坤相對字各長二尺餘

長安客話北淀有園一區水曹郎米萬鍾仲詔新築也曰勾園又曰風煙里中有曰色空天曰太一葉曰松垞曰翠葆榭曰林於藻都人稱曰米家園仲詔念園在郊關不能日涉因繪園中景為燈丘壑亭臺纖悉具備都人又稱米家燈仲詔於元夕集客賦詩呂邦鑠即席口占二首其一曰玉綃疊出上元村雙炬懸來景物繁恍憶重游丘壑裏米家燈是米家園其二曰輕舟寒夜渡無水波入銀綃訝月升宛似夢中曾一照米家園是米家燈

燕都游覽志勾園徑曰風煙里入徑亂石磊砢高柳蔭之南有陂陂上橋曰縵雲集蘇子瞻書下橋為屏牆牆上石曰雀浜勒黃山谷書折而北為文水陂跨水有齋曰定舫舫西高阜題曰松風水月阜斷為橋曰逶迤梁主人所自書也踰梁而北為勾海堂吳文仲家堂前怪石蹲焉梧子松倚之其右為曲廊有屋如舫曰太乙葉週遭皆白蓮花也東南皆竹有碑曰林於藻有高樓湧竹林中曰翠葆樓鄒迪光書下樓北行為棧枒渡亦主人自書又北為水榭最後一堂北廳一拓則稻畦千頃不復有綠垣焉
水經注西湖東西二里南北三里蓋燕之舊池也渌水澄澹川亭望遠為游矚之勝所
紀纂淵海西湖在玉泉山下環湖十里為一郡之勝觀

長安客話西湖去玉泉山僅里許即玉泉龍泉所瀦此地最窪受諸泉之委匯為巨浸土名大泊湖沙禽水鳥出沒隱見於天光雲影中可稱絕勝湖濱舊有釣臺武廟幸西山會釣於此萬曆十六年今上謁陵迴鑾幸西山經西湖登龍舟后妃嬪御皆從先期水衡於下流閉水水與岸平白波森湧一望十里內侍潛繫巨魚水中以標識之一舉網紫鱗潑刺波面天顏亦為解頤是時舳舳青雀首尾相銜即漢之昆明殆不過是近為南人與水田之利盡決諸窪築堤列滕為菑為畬菱茨蓮菰靡不畢具宛然江南風景而長波瀾望則少減矣

余文敏公集西湖之詩佛寺有十土人名西湖十寺瀦碧堂集西湖蓮花千畝以守衛者嚴故花事特盛步長堤息龍王廟香風繞袖至功德寺水漸約花亦減矣

珂雪齋集過響水關至龍潭樹益多水益闊是為西湖盛夏之月芙蓉十里堤柳盡翠中隱見村落行至功德寺有危橋可坐寺僧多業農日既西馳執耒鋤帶笠而歸水田活活羣蛙亂鳴真田家之樂也

懷麓堂集西湖方十餘里有山趾其涯曰甕山寺曰圓靜寺左田右湖又三里為功德寺洪波衍其東幽林出其南路盡叢薄始達於野乃有玉泉出於山下歛薄轉激散為谿池池上有亭宣宗駐蹕處也又一里為華嚴寺有洞三其南為呂公洞一窵深黑投之以石有水聲莫有窮之者

燕都游覽志由香山至望湖亭一水夾溝而出苻草交漬凡三里許水漸使隱隱不知所之游者遂以西

湖止此望通衢取道入城不知轉入林中灌木忽開
廻堤十里鴛鴦鵲橋低飛遠立遠水長流不減杭之
投家橋也

帝京景物略水從高粱橋而西傍有極樂真覺諸寺
臨之前廣源閣節之上麥莊橋越之過橋爲湖界以
長堤湖在堤南稻田豆場在堤北曰西堤者城西隄
也隄行八九里龍王廟廟之傍黑龍潭又行一里堤
盡右有村上青龍橋即玉泉山下也

成祖實錄永樂二年九月修西湖隄三百七十九丈
元史文宗紀元天曆二年五月以儲慶司所貯金三
十錠銀百錠建大承天護聖寺九月市故宋太后全
氏田爲大承天護聖寺永業十月立大承天護聖寺
營繕提點所

元史順帝紀元統元年十月奉文宗皇帝及太皇太
后御容於大承天護聖寺至正十三年三月詔修大
承天護聖寺賜鈔二萬錠

元史本傳至正初承天護聖寺火有旨更作李穰上
言水旱相仍公私俱乏不宜妄興大役議遂寢

南濠集功德寺舊名護聖前有古臺三相傳元主游
樂更衣處或曰此看花釣魚臺也寺極壯麗中立二
穹碑其一宣宗章皇帝御製建寺文其一二元舊物番
字莫能讀也昆廬閣崇可數丈凭闌而眺一寺之勝
皆在目前蓋寺倚山而冊寺西景皇帝陵及尉悼王
墓在焉

懷麓堂集功德寺甚弘敞後殿九精麗殿柱及藏經
笥皆鍍金鍍金者布純金爲地綵綵其上以錐畫之
爲人物花鳥狀若繪畫然又有刻絲觀音一軸懸於

梁際此宋元物寺僧云禁中所賜也

拘虛集功德寺宣皇臨幸之地西山東麓盡處也
文義集西湖將盡爲功德寺外有三廢臺問之爲元
時遺址兩廊畫壁俱闕麗

長安客話功德寺修於宣德二年正殿及方丈凡七
進基皆九撰擬掖庭制度費數十萬緡宣德十年宣
廟西郊省斂駐蹕於寺因雷聲仗寺中自後遂爲列
聖駐蹕之所嘉靖中世廟謁景皇帝陵有司以金山
口路隘鑿闊數十尺識者謂此功德寺白虎口也虎
口張將不利於寺既而上駐蹕寺中膳罷周行廊廡
見金剛像猙獰惡心忽悸而怒因以宮殿供踰坐僧罪
撤去之寺遂廢

帝京景物略功德寺廢今存者門耳門外二三古木
各三四十圍根半出土外傍多水田僧無寺業農事
破屋數間供一木球施以丹堊寺初興時板菴禪師
能役是球球大如斗不脛而走逢人躍擊地如首稽
叩入侯門戚里募金人目爲木毬使者所募金錢皆
以建巨刹成化中僧戒靜建一閣重簷曲房爲累朝
駐蹕地

淥木亭雜識功德寺有木毬使者其事近於怪宋張
世南游宮紀聞載雪峯寺僧義存於唐懿宗咸通十
一年開山創寺乾符二年賜號眞覺禪師寺有木毬
相傳受眞覺役使呼僕延客毬皆自往來嘉泰間寺
災毬忽滾入池中得不壞然則以木毬爲使浮屠固
有其術蓋有先板菴而役之者矣
燕都游覽志功德寺側皆古松有菴曰松林游人多
於此憩焉出松林菴稍西轉至金山口望見景皇帝

陵及諸王公主墓

青谿漫稿礬山在都城西三十里外蓋玉泉之東西
湖當其前金山拱其後山下有寺曰圓靜寺後石壁
百尺步磴而上品菴在焉

白巖集西湖堤東稻畦千頃接礬山之麓有寺曰圓
靜因巖而構磴爲石磴游者拾級而上山頂有屋曰
雪洞俯視湖曲平田遠村綠互無際
長安可游記礬山圓靜寺左俯綠嶠右臨碧浸近山
之勝於是乎始

薊丘集礬山相傳有老父鑿得石甃上有華蟲雕刻
文中有物數十種悉爲老父攜去置甃於山之西甃
識曰石甃徙貧帝里人不之信也嘉靖初甃不知所
存嗣是物力漸耗

長安客話礬山在海淀西五里土色純盧其南巖若
洞而圯者一樵人曰此少鬲仙室也人家傍山小具
池亭桔槔鋤犁咸置垣下酷似江南風景距南麓數
百武爲耶律楚材墓西湖正當其前袁廷玉詩玉泉
東畔礬山陽水抱孤村地脈長蓋味此也今墓前石
像猶存

帝京景物略礬山去阜成門二十餘里土赤墳童童
無草木度山前小橋而南人家傍山臨湖水田菽布
山後一畝泉今失去山上一寺破瓦壞垣額曰圓靜
弘治七年助聖夫人羅氏所建也山下數十武元耶
律楚材墓墓前祠廢石像猶存表碣羊虎零落一翁
仲立仆天啓七年夏夜有螢千百集翁仰首土人望
見夜譁曰石人眼光也質明共踏而碎之
鮑翁家藏集耶律丞相墓在礬山下前有石像鬚分

三線其長過膝

野獲編耶律楚材大有造於中國功德塞天地元世祖奢之亦異他將相其壽域想必屬當時恩賜者近日一友人治別業於京城外西山忽發一塚開櫬得大頭顱加常人幾倍不知為何人葬地予聞之諫止之曰此無論何代殆必異人盍早納其匱閉之未幾掘得碣石則楚材墓也雖稍為葺治聞壙中他物散去多矣耶律生前舉動已是慈氏後身又安問遺骸之完缺但功濟一世而七尺之不保報應之說似不足信友人本吳籍髫年登北轍賢書慧而有心計頓成富家後甫強仕卽世竟無後

墨史楊文秀金季以善墨聞其法不用松炬而用鐵煤子彬得其遺法以授耶律楚材楚材授子鑄使造一萬九鎔曰玉泉萬笏

長安客語甕山北五里爲青龍橋元時白浮堰之上游也其西通金山口其北斜界百里望山

明一統志七里泊在碾莊源自昌平州東南流至宛平縣合高梁河青龍橋跨其上

水部備考青龍閣在都城西北三十里

珂雪齋集青龍橋側數武有寺依山傍巖山腰有閣前臨一鏡堤柳溪流雜以畦畛叢翠之中隱見村落長安客語玉泉山以泉名泉出石罅瀦而爲池廣三丈許水清而碧細石流沙綠藻紫若一一可辨池東跨小石橋水經橋下東流入西湖山頂有金行宮芙蓉殿故址相傳章宗嘗避暑於此

緱山集穿青龍橋而西得玉泉山山培塿耳而土紋隱起作蒼龍鱗其下爲池滿泉而亭之曰望湖亭其

東爲華嚴寺寺西泉清可辨蘿髮

燕都游覽志玉泉山沙痕石隙隨地皆泉山陽有巨穴泉歟而上淙淙有聲或名之漬雪泉

白巖集玉泉山泉出如沸瀦爲池清可鑑毛髮此西湖之源也

南濠集玉泉山金章宗嘗建行宮今廢山之北麓鑿石爲螭頭泉從螭口出瀦而爲池

游業玉泉山有寺所謂玉泉寺也山有呂公洞稍東爲龍王祠淳泓方廣數丈湧泉如珠名裂帛湖然玉泉山傍每遇石縫卽迸流濺雪不特裂帛湖也

帝京景物略玉泉山根碎石泉涌出山不數武裂帛湖也泉逆湖底狀如裂帛渙然合於湖湖方數丈水澄以鮮漾沙全色過溪曰望湖亭宜廟駐蹕今圯其南上下華嚴寺嘉靖庚戌寺燬焉存者二洞華嚴七真洞壁刻元耶律氏詞紆而西觀音菴洞曰呂公洞昔呂仙憩此去而洞名也又北金山寺寺破但未廢爾寺有洞曰七寶徑寺登乎山山舊有芙蓉殿金章宗行宮也昭化寺元世祖建也

戴司城集玉泉在京城西三十里西山之麓有石洞泉自中而出洞門刻玉泉二字泉味甘冽上有石巖名呂公洞其上有芙蓉閣金章宗避暑處其在山之陽者泉自下湧鳴若雜珮泓澄百頃合流而入都城逶迤曲折宛若流虹

珂雪齋集玉泉山之麓臨水有亭裂帛泉從石根出溢爲渠石子鱗鱗了了可見依山瞰泉原爲昭化寺今久廢

金史地理志宛平有玉泉山行宮

金史章宗紀明昌元年八月幸玉泉山六年四月幸玉泉山承安元年八月幸玉泉山泰和元年五月幸玉泉山三年三月幸玉泉山七年五月幸玉泉山

元史世祖紀至元三年八月郭守敬請開玉泉水以通漕運從之十五年十二月禁玉泉山樵采漁弋

元史英宗紀至治元年十二月疏玉泉河

元史泰定帝紀泰定元年八月罷浚玉泉山河役

元史列傳世祖召見郭守敬面陳水利六事其一中都舊漕河東至通州引玉泉水以通舟歲可省雇車錢六萬緡

元史列傳文宗幸護國仁王寺遂泛舟玉泉蓋苗進曰今頻年不登邊隅未靖正當恐懼修省何暇逸游以臨不測之淵乎帝嘉納之賜以對衣上尊卽日還宮

錢文肅公集崇真觀在玉泉山下觀外小澗環流橋壞循岸西清淺處以渡其前累石爲臺下甃方池池上有斗室曰靈淵齋

前溪集術玉泉而西二里爲觀音寺寺依山入門有洞深廣二尋出洞拾級而上亭曰望湖山後有小洞可坐二人洞北有大洞方闊兩傍石榻可坐傍刻字曰玉泉觀音洞剔蘚辨之下三字乃後人續刻者相傳金章宗避暑於此上有芙蓉殿漫不可尋但荒榛碧瓦而已出洞尋舊路而西有廢菴又一洞亦曰觀音洞山麓有呂公洞

南濠集補陀寺在玉泉山半門內卽呂公洞寺右躋石級上望湖亭

燕都游覽志玉泉山有呂公巖下臨一潭廣丈餘山

上有看花臺卷幔樓

蒙齋筆談呂洞賓名留唐呂渭之後五代間從鍾離權得道與權更出沒人間權不甚多而洞賓蹤跡數見好道者每以爲口實

瀟碧堂集華嚴寺左有洞曰翠華中有石牀可憩息題詠頗多苔漬不可讀又有石洞在山腰若鼠穴寺北石壁泉出其下作裂帛聲故名裂帛泉有亭可望西湖故名望湖亭

長安可游記華嚴寺有小洞三俱幽邃屋後石壁下一池其形如壺土人呼爲程鉢湖

長安客話上華嚴寺下華嚴寺俱正統間建其額英廟勅賜寺有二洞一在山腰一在殿後曰七真洞或云即翠華洞洞中石碧鐫元耶律丞相一詞夏相國言和之亦刻于壁

文義集華嚴寺鑿山爲洞下上凡五處深者二三十步淺者十餘尺

珂雪齋集華嚴寺後有竇深不可測其上爲望湖亭見西湖明如半月

袁中郎集望湖亭不作於龍潭而作於裂帛湖上真無識也

大復山房集自華嚴寺西度三石橋門臨水曰金山寺寺西北皆山也

錢文肅公集金山寺磻道欹窄僅可徒步既至寺抵一笑菴觀龍洞洞方廣不及尋丈旁有石穴深窅莫測

游業金山寺西麓盡處也

長安客話華嚴右半里爲金山寺山有玉龍洞洞出

泉甃石爲暗渠引水伏流約五里入西湖名曰龍泉望湖亭建其上

珂雪齋集裂帛泉從玉泉山根出溢而爲渠依山瞰泉爲昭化寺基今寺已廢其鄰爲史園正泉所出也

長安可游記裂帛湖泉仰射如珠串古榆陰潭上極幽秀過趙家隄水更深碧

改過齋雜記宣德年鑄重鑪海內所珍今多贗物真者百之一耳市者一鑪索數十金卒難得其佳者慈壽寺西有元福宮文昌祠前銅鑄一鑪傳是宣德所造游人以手摩挲銅質呈露其色甚瑩驗鑪之質亦可辨重鑪之真贗矣

澤農吟葉燕中不乏名勝大抵皆貴冑墳院位置一律殊不雅觀惟武清侯海淀別業引西山之泉匯爲巨浸繚垣約十里水居其半疊石爲山巖洞幽窅渠可運舟跨以雙橋堤傍俱植花果牡丹以千計芍藥以萬計京國第一名園也

風庭掃葉錄左思魏都賦有掘鯉之淀或云即狐狸淀廣韻淀泊屬韻會淺泉也今京師有南淀北淀近畿則又有方淀三角淀大淀小淀清淀洞淀勢淀澹淀疇延芳淀小蘭淀大蘭淀得勝淀高橋淀金盞兒淀葦淀大蓮花淀小蓮花淀浮鷄淀白羊淀黑羊淀黃龍淀鵝巢淀牛橫淀火燒淀下光淀大光淀糧料淀破船淀水紋淀百水淀五官淀康池淀廣平淀陳人淀武益淀洛陽淀齊女淀邊吳淀燕丹淀趙襄子淀孟宗淀其他不能悉記凡九十九淀按說文無淀字傳寫者或作甸或作澱或作墊皆非

朔紀西湖土人稱之必曰西湖景

方輿彙編職方典第四十七卷順天府部

山行雜紀西湖北岸長堤五六里堤柳多合抱龍王廟據其中外視波光十里空瀛際天諸峰在眉睫間絕無丹青脂粉氣

瑯琊漫鈔北京功德寺後宮像設工麗僧云正統時張太后嘗幸此三宿乃返英宗尚幼從之遊宮殿別寢皆具太監王振以爲后妃遊幸佛寺非盛典也乃密造此佛既成請英宗進言於太后曰母后大德子無以報已命裝佛一堂請致功德寺後宮以酬厚恩太后大喜許之復命中書舍人寫金字經置東西房自是太后以佛及經在不可就寢遂不復出幸

山行雜記繞功德寺後過金山口見一高峰頂有紺殿角急趨之行數里荒寂絕無僧舍路多磔石而所見紺殿已不可即矣僅見一谷口頗幽邃騎不能上乃下馬步上坡三里許稍南度大壑又三里許朱門煥然上書寶藏精藍入門又二里許披宿莽陳根而行上石磴爲天王殿再百步上石磴爲寶藏殿殿右石棧凡五轉每轉可二丈餘棧盡爲臺臺有觀音殿二十里外所見紺殿角卽此也寺係正統四年爲西域僧道深建初名蒼雪庵後勅賜今額

以上山中諸泉圓通寺門水第一寶藏次之青箱堂集甕山下東南數十步舊有耶律丞相祠崇禎中尚存而公及夫人二石像端坐陌頭少前二翁仲其一首毀相傳居人夜見有光疑其怪而鑿也後一高阜則公墓迄今三十年斷隴已平問之土人鮮有知公墓者墓西半里圓靜寺僧猶能言其處

山行雜記甕山前有仁慈菴入門三百步兩傍椿樹夾之登石磴二十級有堂三楹兩廡翼之西廡前爲

樓菴左爲圓靜寺寺門度石橋大道通湖堤門內半里許從左小徑登臺精藍十餘室之西殿三楹左右精舍一間據山面湖

順天府志慈恩寺在青龍橋側萬曆中勅建

山行雜記青龍橋南里許爲西方菴東望據湖梵宇雖不雄偉而極精嚴稍南爲三元寺甚隘而頗饒水木之勝度三元寺卽功德寺矣

寄園寄所寄錄玉泉類約突但約突湧泉有三玉泉止一穴趵突高三尺餘玉泉止尺許斯不及兩

山行雜記玉泉山右名瓦窰頭西向有隆祐菴僅數廡有垂柳內蒔名花楚楚可觀

若從金山口度嶺至冷泉村道傍皆水田行一里許曰泰州務其後畫眉山上有龍王祠龍湫圍廣十畝

水從石罅出從東垣下溢田間潺潺有聲

中齋詩話元時杏花齊化門外最繁東岳廟石臺羣公賦詩張讌傳爲盛事葛邏祿易之詩云上東門外

杏花開千樹紅雲繞石臺最憶李章處閣老白頭騎馬看花來至明城東花事衰郊西漸盛萬曆後摩訶

菴杏花多至千株吾鄉朱太傅養醇詩云摩訶菴外袖吟鞭繁杏春開十里田曾與村翁舊相識看花不

費酒家錢承平之日翰苑風流後先一致也

明水軒日記清華園前後重湖一望漾渺在都下爲名園第一若以水論江淮以北亦當第一也

人海記出阜成門西行三里許有報恩寺又西三里靈佑觀又西爲廣福寺又西爲嘉祥觀又西爲元應

觀入八里莊堡爲摩訶菴又西爲永慶寺又西爲慈壽寺又西爲元福宮嘉祥觀多松入門二株尤秀潤

摩訶菴前殿有碑二碑文左爲鉛山費尚書來撰右爲華亭孫尚書承恩撰俱嘉靖二十七年立殿後右廂有竹一叢院中雜蒔草花堂懸萬物育墨跡三字上用恭穆獻皇帝睿筆璽下有嘉靖年製小印堂後松二株高出殿脊其後則中官趙政墓也元福宮建於正德五年至天啓五年重修中有蒼松四株最奇古後殿三清六眞像皆范銅爲之配殿文昌典夾侍童子亦銅像旁鑄一驪銅質光潤絕似宣德鑄金薰鑪色殿前後凡四碑一仆二爲人磨去止存中書舍人袁志學一碑崇禎元年所立也

倚晴閣雜抄由三虎橋西行三里許爲天禧昌運宮初名混元靈應宮正德六年司禮監太監張永請於朝勅建至萬曆四十四年重修增置垣墉二百餘丈門廡百餘間督修者太監林潮也工竣更今名殿宇凡七重松栝二十三株柏二十株大皆合圍夾以雜樹上枝干霄下蔭蔽地有二碑築亭覆之一爲勅建碑一爲大學士李東陽撰文楊廷和書英國公張懋篆額俱正德七年立又一碑萬曆中立的使劉效祖撰文宮之後則張永墓在焉

人海記興勝菴土人目爲松林今松無復存者萬曆中所建也後有藏經閣可眺西山東北有果園園中有亭曰衆芳亭北砌石爲流觴曲水其東有閣曰明遠春月桃杏雜發登閣望之不異錦城花海也戴斗夜談宛平縣京西鄉馮家里舊有太乙集仙觀元元貞元年以其地界純一眞人吳全祐有栗五千株全祐相栗林隙地重岡環抱下有寒泉旁地衍沃可引灌溉構正殿三楹翼以兩廡繚以石垣王惲爲

之作記大德元年刻於石

譽諱海浣清華園咸晚李侯之別業也去都門西北十里湖水自西山流入御溝人無得而游焉浣之水濫觴一勺都人米仲詒浴之築爲勺園李乃構園於上流而工制有加米顏之曰清華初至見茅屋數間入重門境始大池中金鱗長至五尺別院二邃麗各極其致爲樓百尺對山瞰湖堤柳二十里亭曰花聚芙蕖繞亭五六月見花不見葉也池東百步置斷石有紋五色狹者尺許修者百丈西折爲閣爲飛橋爲山洞西北爲水閣壘石以激水其形如簾其聲如瀑禽魚花木之盛南中無以過也雪後聯木爲水船上施軒幕圍爐其中引觴割炙以二十人挽船走冰上若飛視雪如銀浪放乎中流令人襟袂凌越未知瑤池玉宇又何如爾

水品玉泉山在西山大功德寺西數百步山之北麓鑿石爲螭頭泉自口出瀟而爲池聲徹照映其水甘潔上品也

紀纂淵海西山在府西三十里爲太行山之首

戴司城集西山來自太行行連岡疊岫上干雲霄把抱廻環爭奇獻秀值大雪初霽凝華積素若屑瓊雕玉千巖萬壑宛然圖畫

西遷注西山內接太行山外屬諸邊磅礴數千里林麓蒼勁豁澗鏤錯其中物產甚饒古稱神皋隩區也盧溝琉璃胡良三橋山水所洩多歸其中其水皆藻綠異常風日蕩漾木葉遞映倚闌流覽令人欣然有欲賦京都之意長安客話西山諸蘭若白塔無慮數十與山隈青靄

相間流泉滿道或注荒池或伏草逕或散漫塵沙間春夏之交晴雲碧樹花香鳥聲秋則亂葉飄丹冬則積雪凝素信足賞心而雪景尤勝

金史本傳貞祐二年正月李英乘夜與壯士李雄等四百九十人出城緣西山進至佛巖寺令雄等下山招募軍民旬日得萬餘人擇衆所推服者領之

草木子白雲平章求仙於燕京西山頂一日適出勝玉霄訪之不值因戲題於壁曰西風短褐吹黃埃何不從我游蓬萊振衣長嘯下山去後夜月明騎鶴來竟不畱名白雲公疑呂仙過之朝野輻湊竊資山積後知爲玉霄題白雲公戒以勿泄厚賂之

春明夢餘錄聚寶山在玉泉山西南行數里度兩石橋循谿轉至臥佛寺寺在唐爲兜率寺今名永安殿前娑羅樹來自西域相傳建寺時所植今大三圍矣珂雪齋集臥佛寺於深山絕澗中乃得寺以翠波爲門殿前娑羅樹二株西有泉注於池池上有石如碧玉

游業壽安寺白塔卓山門上入門古檜百章殿前二娑羅樹大數十圍左一海松後殿臥佛一又後小殿更置臥佛一俗稱臥佛寺

長安可游記臥佛寺名壽安因山得名臥佛俗稱也寺門有胡漢碑臥佛有二一香檀像唐貞觀年造一銅像憲宗皇帝時造寺僧云

帝京景物略臥佛寺唐名兜率後名昭孝名洪慶今日永安以後殿香大佛又後銅佛俱臥迷目臥佛云

寺西廣慧菴東五華閣西南弘法寺

長安客語臥佛寺亦以泉勝層巖夾道木石散置可游可坐兩殿各臥一佛長可丈餘其一滲金甚精寺內娑羅樹二株子如橡栗可療心疾門西有石盤方廣數丈高亦稱是上剎觀音堂周以欄循石盤下有小竇出泉淙淙琤琤下擊石底聽之冷然寺多牡丹蓋中官所植取以上供者

燕都游覽志臥佛寺今上會駐蹕有重修御製碑西陽雜俎娑羅不比凡草不止惡禽

茅亭客話娑羅花苞大如拳葉似枇杷把葉凡二十餘葉相杳捧苞類桐花一簇三十餘朵徑月方謝吳船錄娑羅者其木葉如海桐又似楊梅花紅白色春夏間開

暹雅娑羅外國之交讓木也葉似柑皮如玉蘭色葱白最潔烏不棲蟲不生子能下氣

涿水亭雜識五臺山僧修言娑羅樹靈異至畫圖鏤版然如巴陵淮陰安西伊洛臨安白下峨嵋山在處有之聞廣州南海神廟四本特高今京師臥佛寺二株亦有干霄之勢顧或者或不著草木亦有幸不幸也

帝京景物略觀音石閣而西有隆教寺又西上圓通寺望太和菴前山中人指曰水盡頭泉所源也又西上廣泉廢寺北半里爲五華寺

春明夢餘錄水源頭兩山相夾小徑如綫亂水淙淙深入數里有石洞三旁鑿龍頭水從龍口噴出又前數十武土臺突兀有石獸甚鉅蹲踞臺下相傳爲金章宗清水院章宗有八院此其一也水分二支其一

伏流地中至玉泉山涌出

拘虛集從臥佛入山一里許有石欄欄旁仄徑緣而上爲普福菴曰普福菴上半里有五華閣山隙一小寺寺側有亭兩泉合流於前一出巨石下一流細石間上有溪望之若窮而隱隱復有樓閣

明一統志廣惠寺在府西三十五里舊名五華寺正統七年改建

元史英宗紀英宗卽位是年九月建壽安山寺給鈔千萬貫十月命拜住督造壽安山寺

元史本傳至治元年春詔建大利於京西壽安山鎖咬兒哈的迷失與御史觀音保成拜李謙亨上章極諫以爲東作方始而興大役以耗財病民非所以祈福也且歲在辛酉不宜興築帝殺鎖咬兒哈的迷失與觀音保成杖李謙亨竄諸遐裔

元史英宗紀三月益壽安山造寺役軍十二月冶銅五十萬斤作壽安山寺佛像二年八月增壽安山寺役卒七千人九月給壽安山造寺役軍匠死者鈔人百五十貫幸壽安山寺賜監役官鈔人五千貫

元史泰定帝紀泰定元年二月修西番佛事於壽安山寺二年乃罷

元史百官志大曆元年立壽安山規運提點所三年改昭孝營繕司

元史文宗紀至順二年正月以壽安山英宗所建寺未成詔中書省給鈔十萬錠供其費仍命燕鐵木兒撒迪等總督其工役以晉邸部民劉元良等二萬四千餘戶隸壽安山大昭孝寺爲永業戶

游業出廣慈菴沿山南行得弘化寺門內白松盤槐多古意

春明夢餘錄臥佛寺西南里許爲廣應寺寺有白松箕踞其下望見碧雲香山諸寺寺西爲木蘭陀

隆教寺西越澗有長嶺嶺半爲金章宗看花臺臺畔有古松一株

碧雲菴建於元耶律阿剌吉正德中內監于經拓之爲寺天啓三年魏忠賢重修之土人呼爲于公寺岩下有泉泉旁一柳有大癩人呼癩柳左堂三楹萬曆御題水天一色前臨荷沼沼南修竹成林岩下一亭曰嘯雲

帝京景物略碧雲寺元碑二一至順二年立一元統三年立

湧幢小品香山碧雲寺正德中御馬監太監于經所造經以便給得幸導上於通州張家灣權商賈舟車之稅歲入銀八萬之外即以自飽斥其餘羨爲寺於香山而立家城於寺後上嘗親幸焉爲之賜額嘉靖初下獄瘐死籍其家而寺與墓獨存

長安客話自洪光折而東取道松杉中二里許從槐徑入一谿橫之跨以石梁爲碧雲寺壯麗與香山相伯仲歷數百級登佛殿殿前磴石爲池深丈許水引自寺後石罅出噴薄入小渠人以卓錫名之寺僧導之過齋廚遠長廊出殿兩廡左右折復匯於殿前石池金鉚千頭今上嘗臨觀焉

寓林集碧雲寺從槐徑入初不見寺登之乃見弘敞旁一亭細竹百竿流泉爲觴琢石爲屋殿前有魚池石橋

余文敏公集碧雲寺泉從山西壁竄首口中吐出去渠尺許微有飛沫時雨初過淙淙若琴篋下注於渠渠遠亭後折而東南又折而北渠廣尺餘越數步設一牌亭前有沼可一畝渠水注之亦由竄口出迤東南注垣下過香積廚又西南注殿前沼

珂雪齋集碧雲寺泉從石罅出有聲石壁色甚古亭曰聽水佳處泉遠亭而出流於小池種白蓮百本塘前柳竹嫩綠有致竹旁有銀杏二株陰陰一畝其左一洞若夏屋泉復遠之而出達於廊下引入殿前爲池界以石梁朱魚撥刺水脉隱見至寺門迸入於溪

大復山房集碧雲寺金銀宮闕若王者之居殿前有池跨以石梁今上移蹕再幸樂之設帝飲梁上觀魚寺前有泉亭竹樹畱御書額額曰蒼松古柏曰木天一色其西峭壁如城有石室三臨澗石門石竇盛夏可以避暑冬則徙卉木藏焉

長安可游記碧雲修除連棋與香山稱左緣曲逕有卓錫泉環庭際瀟瀟鳴中爲廣亭石壁綴以文石境之最幽者

長安可游記出香山策馬東行轉而西北即碧雲寺寺門有石獅二雕鏤絕工鐘樓西石刻蛟形泉從口湧冷洽瀉溝中出寺而納於澗

冷然志碧雲寺後有魏忠賢墓本于經舊墓道忠賢拓之翁仲石麟羊虎森列扶闌皆以白玉石爲之雕刻精巧中立二穹碑合書其銜忠賢戮尸之後未嘗葬此間係崇禎甲申都城破後其黨爲之者明初中官造墳安葬例給銀五十兩自正德中多至五百兩

矣其後歲益月增享堂碑亭制愈僭越夫山陵之制亦不過前樹一碑而已忠賢墓乃用二碑黨附小人之無忌憚如此惜無力士踣而碎之也

頌天臚筆屯田郎中萬燦督陵工上疏曰臣於三月詣陵開工轉過香山碧雲寺見魏忠賢所營墳墓碑石崢嶸陞道深闊翁仲簪朝冠而環列羊虎接駝馬以森羅制作規模彷彿陵寢且前列祠宇又建佛堂金碧輝煌丹堊照耀會不一念先帝之陵寢未完內庭外庭之人止知有忠賢不知有皇上先朝王振劉瑾之禍可忍言哉

李晏香山記西山蒼蒼上千雲霄重岡疊翠來朝皇闕中有道場曰香山

冷然志香山寺址遼中丞阿里吉所捨殿前二碑載捨宅始末光潤如玉白質紫章寺僧目爲鶯爪石又云寺即金章宗之會景樓也

遼史耶律淳者世號爲北遼興宗第四孫保大二年天祚入夾山奚王回離保林牙耶律大石等引唐靈武故事議立淳即位百官上號天錫皇帝改保大二

年爲建福元年尋病死百官僞諡曰孝章皇帝廟號宣宗葬燕西香山永安陵

金史本傳大會間大軍下河北胡礪爲軍士所掠行至燕亡匿香山寺

金史世宗紀大定二十六年三月香山寺成幸其寺賜名大永安寺給田二千畝粟七十株錢二萬貫

金史本傳大定中詔匡攝與近臣同經營香山行宮及佛舍

金史章宗紀明昌四年三月幸香山永安寺及玉泉

山承安三年七月幸香山八月獵於香山四年八月獵於香山五年八月幸香山泰和元年六月幸香山元史本紀元世祖幸香山永安寺見書畏吾字於壁問誰所書僧對曰國師兄子鐵哥書也帝召見愛其容儀秀麗語音清亮命隸丞相字羅備宿衛元史仁宗紀皇慶元年四月給鈔萬錠修香山永安寺

善濛先生集元平章政事李武愷公葬京師之西永安山之陽其子益都潘萊等路管軍萬戶世雄附葬先坐

南濛集香山永安寺亦名甘露石梁下有方池正統間遣中官以金魚數十投其中今巨者盈尺矣上金剛殿後有古椿六又上由書廊登慈恩殿其右爲香爐岡岡下有蟾蜍石丹井又有夢感泉金章宗嘗至其地夢失發泉湧旦起掘地果得泉其後僧以泉淺渚之遂隱

滿君堂集香山寺南一山松蘿交蔭橋下魚朱墨二種若游空中拾級而上佛殿甚闊壯殿檻外兩山環擁遠望一亭踞山下穿磴道二里始至亭名流憩下視寺垣如墮深壑望遠水如玉玉瑛疑即桑乾河也袁中郎集香山一徑幽遐青松夾道流泉下注朱闌上引依巖爲刹高傑整麗獨是作者騁象馬之雄圖乏丘壑之妙思數十年後金碧蝕於蛛絲塔砌隱於苔蘚游人漸希樹木漸老則茲山之勝當倍於今日矣

珂雪齋集香山門徑寬博喬木夾道流泉界之依山汗隆以爲殿宇殿前古松二株虬龍詰曲左來青軒

如衫袖忽開盡見原隰寺後有藏經閣石路淨潔高松列植四望比來青較遠其傍僧舍數十處多植偃蓋之松引流水周其雷下

燕都游覽志穿洪光寺柏徑而上即香山藏經殿步而下即後殿從兩廊逶迤行至正殿歷級從東行至方丈自迴廊復東爲來青軒下見坡陀杏樹可十萬株寺中來青軒鬱秀清雅望都亭四扁皆今上御書長安可游記香山有乳峰石時嘯雲霧類匡廬香爐峰故名

緱山集香山夾道盡是白楊青檜流憩亭在山半灌木陰翳中來青軒前兩山相距而虛其襟以捧帝城自無量殿折而至弘光寺皆短垣疎柏中消覺白石爲階東望閣道參差爲光裕寺

帝京景物略香山寺殿五重崇廣略等斜廊平欄翼以軒閣世宗幸寺曰西山一帶香山獨有翠色神宗題軒曰來青來青軒右土轉而北爲無量殿轉而西曰流憩亭山多名蹟有葛稚川丹井金章宗祭星臺護駕松夢感泉又有基盤石蟾蜍石香爐石寺始金大定正統中太監范弘拓之費七十餘萬今寺有弘墓墓中衣冠耳蓋弘從幸土木不歸

文義集香山有巨石二狀如蝦蟆石下二井相去丈許水深纔三四尺俯手可濯井底沙石歷歷可數近寺人家皆取給焉

柏厓集香山寺有軒曰來青坐見兩山迴合平嶠外衍飛鳥出沒雲際寺門有泉石橋跨之其流入西湖懷麓堂集永安寺來青軒軒居山半俯瞰叢樹青黃相雜循廊而上殿閣崇麗與平坡並峙正統間太監

范弘所建

余文敏公集來青軒臨絕巘周匝女牆倚牆下瞰平楚荒榛杳渺無際

長安客話來青軒五楹欄楯外垣以碑甃下臨絕壑玉泉諸峰按伏其前朱殿撰之蕃題楹云恐壞雲根開地窄愛看山色放牆低憑闌東望盡挹山川之秀若流憩亭不及來青遠甚然仰視山巔高插雲漢亦奇境也至寒泉亭斯可有無矣

長安客話來青軒之前兩腋皆疊嶂環列寶軒爲金章宗祭星臺其西南道上章宗經此有松密覆因呼爲護駕松

說學集常山劉文正王以沉機大略最爲世祖親幸且通祕術用兵之際役使鬼神多著奇效乃作祠宇於宛平之西山以祀太乙六丁之神號曰靈應萬壽宮

元史釋老傳至元十一年建太乙宮於南京命李居素居之領祠事且禮祀六丁以繼太保劉秉忠之術北平古今記元英宗延祐七年四月祭遁甲神於香山今香山有金章宗祭星臺於史無所考或是元將祭遁甲神之地

長安可游記香山西佛堂懸御書二篇一曰雪白山青一曰西巖

南濛集洪光寺據山頂短垣遠門地悉甃以石寬平可坐山之勝一覽而盡

寓林集寺磴凡九曲歷十八盤而上每磴松柏成行如列屏幃

游業洪光亦古刹巨瑤鄰同重修同朝鮮人也寺內

圓殿千佛各坐寶蓮皆極工巧臺右有姜立綱書碑
帝京景物略洪光寺徑上指玉華寺再上指玉皇閣
下指碧雲寺再下指弘法寺十有八盤而徑盡至寺
門香山乃在其下寺建自鄭常侍同生高麗其國
王李禰貢入中國得侍宣宗後復使高麗至金剛山
見千佛繞毘盧之式歸結圓殿供毘盧表裏千佛面
背相向自爲碑文自書之

憲宗實錄成化四年十二月遣大監鄭同崔安冊封
朝鮮世子李耽爲王既行巡按遼東監察御史侯英
奏同與安俱朝鮮人墳墓宗族皆在其地於其國王
未免行跪拜之禮進囑托之辭殊輕中國之體乞追
寢成命遣翰林院給事中及行人往使爲便上是其
言於是實實則遣內臣冊封則遣廷臣有學者
游業出洪光寺東數轉爲玉華寺寺後有池泉流涓
涓不絕山房跨礪十餘楹稱玉華別院越礪折而西
北有小院名慈壽菴

燕山紀游表忠寺門左右各二松一石俱奇古

余文敏公集下香山至延壽菴樓五間高數仞右爲
蔬圃種苽韭梨栗其前田疇彌亘數里上有大瑞龜
忠墓忠事武廟世廟兩朝柄司禮監二十年宜其塋
建弘敞如此也

長安可游記循香山之左歷滕公寺至鮑家寺寺有
古松十株陰覆石堦濃翠可愛

珂雪齋集鮑家寺兩掖石樓屹立青槐百株交蔽修
衢殿植果松四株枝葉婆娑覆陰無隙地寺下又有
滕公古寺石垣周遭若一縣郭其中飛樓相望清泉
激戶雜花滿楹

余文敏公集從延壽菴折而北又西爲小碧雲寺寺
宣德中太監張某建寺額宣廟所賜也今之碧雲乃
昔俞家菴因有兩寺故此以小別之隔垣有翠華亭
四溟山人集猥兒澗在香山東四里許

長安可游記由廣慧菴遙望山椒丹樓縹緲詢知爲
曹家樓樓踞山巔下臨石洞右折百步爲翠巖菴更
上卽中峰菴矣

珂雪齋集西山別嶂忽開如兩袖之垂其左爲帝王
廟翠巖寺曹家樓其右爲弘教寺而其中爲中峰中
峰菴有石樓可眺有亭高出半山圍牆十里悉以白
石壘砌

帝京景物略中峰菴地盡石無土階堦徑磴可枕藉
臥松滿院響謾謾然其潤南上弘教寺廢寺也

春明夢餘錄中峰在香山之後以其居諸峰之中故
曰中峰也躡危磴而上有菴菴兩翼有亭山之陽有

弘教寺山之陰有晏公祠翠巖寺永壽菴

余文敏公集出小碧雲寺而西有弘教寺在山脊東
上一閣宣廟曾駐蹕於此

寓林集從洪光寺過佛光寺爲弘教寺寺有石橋魚
池前有流泉亭巖傍有晏公祠石室琢三皇五帝列

聖名賢像自宣尼而下及宋朱紫陽李延平諸公兩
壁刻畫忠臣孝子如王祥顏泉卿之屬又有小石室

題函五經書史詢之乃武廟時中貴晏公造也自入
西山所見金碧殿閣皆浮屠氏之宮中人自營其身

後香火藏而此獨及儒門何類無賢因之嗟歎
珂雪齋集弘教寺有亭可眺亦有喬松怪石佛像清
古爲山中第一

帝京景物略晏公祠正德中晏常侍忠所立也過澗
石橋過橋石門曰道統門石殿三楹像皆石上像三
皇五帝三王左像周召孔孟諸聖賢右像周程張朱
諸大儒壁五石龕一龕標一經名維以藏其經殿外
一石亭亭壁列鐘簾千戚錢鏐之屬一如五經以便
治是經者左龍馬馬毛旋五十五數具一如河圖右

雒龜龜甲四十五數具一如雒書東堂三楹壁列忠
臣龍逢以下孝子會閔以下右圖而左書其行事以
告觀者石象渾朴不類漢以後及西域像法堂後累
石爲洞洞壁標先儒格言及詠道詩詞今居守者一
僧也仍於其私室設彼教像誦彼教文字焉

余文敏公集由弘教寺下山度坑而西有廣仁寺

珂雪齋集翠巖不甚弘敞而具山林之致門有渠天
雨則山巔飛流直走原麓剎後石路百級有禪院四
周皆茂樹有泉甚清可煮茗

長安客話下弘教寺循山趾而南有盧師山與平坡
山並峙諺寺鱗次曰清涼曰澄果曰平坡皆古刹也

元史泰定帝紀泰定三年二月建顯宗神御殿於盧
師寺賜額曰大天源延聖寺勅貯金書西番字藏經

八月天源延聖寺神御殿成十月奉安顯宗御容於
大天源延聖寺賜鈔二萬錠四年十月命帝師作佛
事於大天源延聖寺

元史文宗紀天曆二年五月於玉德殿及大天源延
聖寺作佛事

元史后妃傳明宗八不沙皇后天曆二年請爲明宗
資冥福命帝師率諸僧作佛事七日於大天源延聖
寺

元史順帝紀元統六年四月詔大天源延聖寺立明
宗神御殿碑

長安客話盧師山以神僧得名師隋末居此山能馴
二龍子山有潭覆以巨石其下深不可測二龍潛焉
歲旱禱雨輒應舊有寺即以盧師名今清涼寺是已
寓林集清涼寺古佛阿難迦葉三像乃唐天寶遺製
清豁漫漶大小青龍之神按碑記昔有僧名盧自江
南來寓於西山之尸陀林祕魔巖一日二童子來拜
於前盧納之嚮新供奉寒暑無怠時久旱不雨二童
子曰於盧能限雨期言訖即委身龍潭須臾化青龍
一大一小至期果得甘雨事聞賜盧師號曰感應禪
師建寺設像立碑以記其事又別設祠於龍潭之上
春秋遣官祭青龍神宣德中勅建大圓通寺二青龍
出現禱之有應於是加以封號至今春秋遣順天府
官致祭及遇歲旱遣官祭告蓋因舊傳二龍能致雲
雨故累朝崇奉如此

帝京景物略盧師山有寺曰盧師寺正統十一年更
名清涼今佛殿已無一梵相坐風露中左右迦葉阿
難風露中侍僧曰唐天寶遺製過寺半里祕魔厓是
盧師宴坐處相傳隋仁壽中師從江南棹一船來視
日船止則止船至崖下止師遂崖居居數歲二童子
來曰大青小青侍師不去歲大旱所司徵禱雨者童
子曰師願施雨雨一方遂乘雲氣去俄雨大注知大
青小青乃龍也龍歸投潭中潭廣大巨石覆之深宵
不可測二龍有時而出雲氣仍隨之崖下墮二童子
侍師像厓上一柏產石面廣尺不凋不榮是盧師所
植東證果寺寺傍有亭望渾河下善應寺殿佛不脚

登高几危坐儀如中土兩廡塑羅漢五百

北平古今記唐書韋挺傳挺造燕州司馬王安德行
渠作漕輾轉糧自桑乾水抵盧思臺行八百里渠塞
不可通挺以方苦寒未可進遂下米臺側厓之待凍
泮乃運以爲解按今京城西三十里盧師山相傳爲
隋沙門盧師馴龍之地以唐書考之當即盧思臺師
乃思之誤也桑乾水即盧溝河

宋史垂拱中宋琪請復幽燕言從安禮寨西北有盧
師神祠是桑乾出川之口東及幽州四十餘里趙德
鈞作鎮之時欲遏西衝曾壅此水河次半有崖岸不
可輕度其平處築城護之守以偏師此斷彼之右臂
也

燕山叢錄唐時覺禪師嘗以道力攝二龍於萬壽寺
池內常見蛇形一日大青一日小青宋因禱雨有應
封大青應濟侯小青利澤侯

元史本傳天旱道士持青蛇曰盧師谷小青謂龍也
禱之則雨呂思誠以其惑人殺蛇逐道士雨亦隨至
西樵野記京師西山寺有二青蛇客至僧呼蛇以酒
肉食之二蛇輒引喙出入無憚謂之曰蛇菩薩

王文瑞公集祕魔厓在山半大石嵌空幾二丈僧垣
其西南爲禪室又南別爲龕室從龕室西二十餘步
始入巖出東行百餘步有大石側立道左右爲池蓋
大小青龍所蟄處視之不甚深然側入不可窮池前
有雙柏上有小殿順天尹李侯執中創以祀神者又
東度山崦二百步入清涼寺西門

長安客話證果寺前臨青龍潭後有祕魔巖中空如
室石如偃芝云是祕魔祖師所居

余文敏公集從三叉口經新莊渡西嶺折而北有善
應寺寺中四松最奇門列天兵十狀極詭異廡下有
五百羅漢

燕山紀遊昌化寺殿壁繪羅漢五百尊穿崖渡海神
通遊戲宣廟時吳偉小仙筆也

縱山集由常明菴出杏子口至平坡寺所謂盧師清
涼翠微善應靈光諸寺皆在焉

帝京景物略祕魔厓西行碎石中一里自龍泉菴而
上平坡寺也寺爲仁宗勅建曰大圓通寺規制宏麗
今圯壞後殿藤胎大士七尺清古具丈夫相憲宗駕
幸寺見金剛面正黑上笑曰似火裏金剛一夕火起
金剛殿燬寺上一里寶珠洞洞石黑白點滲之珠名
以此

王文瑞公集翠微山圓通寺蓋舊平坡寺也洪熙初
詔改作易今名寺在西山高處去城可四十里昔太
子少師姚廣孝嘗言平坡最幽勝眞學佛者所宜處
好遊之士所必至也殿前後凡三重因山勢爲之愈
後則愈高皆翼以長廊亦因地爲斜正殿上皆有像
飾以金碧最後殿去山頂不百步由殿東南下爲方
丈蓋住持者所居中室祀釋迦像又從東廊出前殿
殿左右皆高閣升其左山勢既高閣又出其上憑闌
望之遠入無際西廊後地稍下北爲禪堂其中爲廚
庫南爲禪室

懷麓堂集平坡寺元故剎宣德間修之改名圓通軒
石爲址凡爲殿五層最上有小殿極峻險前俯巨壑
日齊都城九門三殿隱隱可識
余文敏公集大圓通寺初於唐至宣德年重葺因改

是額且名其山曰翠微山後有小天寧寺
明一統志大圓通寺洪熙元年重建

長安客話平坡山亦名翠微山成化中駕嘗幸此
柏崖集平坡寺嶺雖高而不覺其峻寺在山嶺一目
千里

燕都游覽志下寶珠洞過龍王堂有獅雲菴
游業自杏子口度小嶺折而西為嘉禱寺松檜夾徑
里許方入寺門

帝京景物略嘉禱寺門如城鐵葉釘乳入門道榆柳
中地無日影里許別為山門方丈特壯麗懸神宗御
書聯筆法彷彿真卿寺僧云初年筆也寺西二里金
萬壽王冢一穹碑子子田畔東三里有福田寺

燕山紀遊聖水寺下臨淵泉閣後一松直而多蔭松
後石窟夏月陰涼坐久毛髮盡豎傍有一石樓極高
峻下指村莊福田嘉禱諸寺

洪福寺松蘿俱古度念佛橋即寶珠洞也
山行雜紀由臥佛殿右側出小門西數十步有巨石
突立高可三丈鑿石為磴以上為觀音堂前臨池右
有泉有橋度橋為隆教寺泉從寺前渡沂泉行二里
上嶺為五華寺下嶺復循水行再登一嶺為廣泉寺
循故道下復上得圓通菴其右為太和菴泉水源於
此一方亭據其上傍泉多鳥樸文杏度泉有鳥道行
三里許為普濟廢寺寺前一嶺上有小圃中一石如
鉢水冬夏不涸村民都取汲於此

冬夜箋記西山碧雲寺元之碧雲菴也耶律阿里吉
所建明正德中內璫于經拓之為寺而立冢域於後
土人呼為于公寺嘉靖初于下獄死天啓三年瑞璫

忠賢重修亦立冢域其後崇禎初魏亦戮屍二瑞皆
立冢而皆不得其終豈名山有靈不為奸竊藏魄耶
竹垞文類西山佛寺百數皆建自內官其最閎麗者
曰碧雲寺因山上下葉臺殿金碧露松栝之表其北
內官墳墓數十鑄石為闌窮極纖巧翁仲羊虎夾侍
墓碑林列其文俱宰輔所製中立穹碑二具書總督
東廠官旗魏忠賢爵秩蓋忠賢敗後其屍已戮其族
已徙闔寺猶力護其類樹碑立冢然後知小人流禍
未有酷於闔寺者也

青箱堂集表忠寺俗名鮑家寺永感菴俗名新寺
山行雜紀香山南為門頭村村後為萬安山山門上
建白塔為弘教禪林入門為大神通塔院寺前為平
臺寬三四十丈有亭據其陽寺中殿宇亦高敞殿後
有泉飛繞方丈而行下坡不半里有祠中列聖賢像
祠前上石磴二十級即中峰菴菴有方亭亦名來青
軒中峰下有鮑中貴墓建有延壽菴門外二松合抱
門內石級左右列松四株入門復分立四株上為天
王殿內為佛殿兩廡十三楹承之兩廡外更多精舍
石砌極工緻

既歷中峰下南過龍泉禪林為靜妙菴亦名騰公寺
蓋騰中貴墓也由紅關板橋入門寺極藻飾方丈在
左甚寬廣出門循大道而南度慈惠寺慈惠寺崇壽
寺宣化寺俱荒陋而石塔嶙峋紺殿隱見於松柏蒼
翠間又數里至萬佛閣過此即杏子口道旁杏皆老
幹虬枝槎枒盤曲多百餘年物絕似金陵靈谷寺梅
也

寄園寄所寄錄西山楊家頂觀音菴庭有牡丹萬曆

乙卯八月遇閏忽開一花定陵以八月生閏月宮中
重慶萬壽節有官聞之以白金六十兩與寺僧取
其花進御定陵甚悅賜予累白金

山行雜紀寶珠洞山右有龍泉菴龍廣寺再右接待
寺下山西入谷有證果寺再右有清涼寺
又上過承恩寺里許為海藏寺經傍多嘉樹四山駢
羅寺若當缺口殿後方丈最高望蘆溝橋車騎可數
下寺門過橋關道三分一通寺一通山後一通上普
濟寺

緣山集洪光寺東壑中有光裕寺
又過平坡寺下山有靈光寺
清客居士集太行首於三危伏於河折北而尊為恆
山支轡復岡畢赴於燕秩秩然復繼屬以東數十百
里入於海上土人以其西來號曰西山

道園學古錄宣和手勅一通卷首題識四字英宗皇
帝御書也帝以至治三年正月幸五華山有以此書
獻者丞相拜住侍側就題以賜之

黃文獻公集丞相順寧忠烈王阿沙不花侍上於五
華殿進寡嗜欲薄滋味之戒上嘉其忠忱命進酒王
曰陛下既納臣言不足取信也上為罷酒

靜修集宛平王倚字輔臣中統初選良家子入侍東
宮太保劉秉忠見而器之以與選有詔皇太子裁
決天下事拜正議大夫工部尚書改禮部尚書卒葬
廬師山下

黃圖雜志元李魏公孟歐陽楚公原功俱葬宛平縣
香山鄉石井村

青輦踏雪志西山水源頭其西水盡頭爾雅水醴曰

磨是也有無名子題鄰寺壁云雙流決決鳴石根失其一棄糠於此中應從玉泉出

又上碧雲寺有小石幢本當時賣地券也演作韻語末云賣與中丞阿里吉古作平聲蓋從國語讀古人游戲翰墨書券每作韻語如王褒僮約石崇奴券皆然戴良失父零丁亦用韻語又見汾州學宮門右有石嵌壁中乃金郝天挺募建文廟疏其文伏以之下書絕句一首卽接以謹疏字此皆辨文體者所未及也

西山紀遊寶珠洞當山之翠微處地稍坦迤是曰平坡入洞黝黑書不見人旁出其上見若大蚌剖而倚石壁者始悟其中嵌空矣

欽定古今圖書集成方輿彙編職方典

第四十八卷目錄

順天府部雜錄九

職方典第四十八卷

順天府部雜錄九

禹貢山水考元人海運明初亦歲運七十萬石以給遼東後廢隆慶中河決山東巡撫梁夢龍極言海運傍海而行非橫海而渡今路出海道傍海居多較元人設明略踏出之道九屬穩捷遂以山東布政王宗沐爲總河專司海運至萬曆元年以龍關傷七艘議罷

薊丘雜抄秦城相傳始皇所築李君虞詩惆悵秦城送獨歸者此也

長安客話景皇帝陵在金山口距西山不十里陵前坎窞樹多白楊及樗凡諸王公主天塲者並葬金山口其地與景皇陵相屬又諸妃亦多葬此

國史唯疑景帝追復諡號始荆門州訓導高瑤初爲黎淳所駁辭甚厲訖如瑤請亦公論之不容泯也

仁宗諸妃俱陪葬獻陵惟三妃別葬金山宣宗諸妃俱陪葬景陵惟一妃別葬金山廢皇后錢氏合葬裕陵諸妃一葬綿山餘葬金山惠廟廢后吳氏墳葬金

山

皇子葬金山者懷獻世子悼恭太子哀冲太子越靖王秀懷王斬獻王膝懷王衛恭王許悼王析穆王申懿王雍靖王岐惠王溇簡王蔚悼王頤高王薊哀王威懷王均思王

國朝典彙憲廟共十三妃始同爲一墓嘉靖十三年以古世婦御妻皆九宜九數妃共爲一墓同一享殿內作一室兩廂於是金山預造五墓各九數以次葬焉

帝京景物略黑龍潭在金山口北依岡有龍王廟碧殿丹垣廟前爲潭豁四丈水二尺土人云有黑龍潛其中旱禱輒應凡立數碑

青箱堂集黑龍潭前平原廣畝之間禾黍既登秋風落窠出一石碣題曰大內遷出二棺之記旁書宛平縣令姓名無年月無封樹傍徑久之恨未能考所自始

淶水亭雜識西山有君子口疑卽寰宇記中所載君子城也

南京求舊錄金川門之變建文帝闔宮自焚實錄謂中使出其屍於火中越七日備禮葬之遣官致祭而不言葬地所在或謂松陽王景請葬以天子之禮成祖從之若葬以天子豈有不爲置陵守冢掌之祠官乎是則備禮云者特史臣欺世之辭爾至於北京金山口景皇帝陵北相傳有天下大師之墓好事者實之以爲建文帝墳然訪之士人皆莫辨其處也邇國之事野史紛紜以思恩所獲僧楊應祥爲楊應龍或又以太監吳誠爲吳亮且隱應祥之斃獄而云

老佛取入西內又言葬之西山不封不樹遂指不知何人之墓以爲帝墳轉相紀述亡而爲有毋乃爲有識者所笑乎又考應祥之獲在正統五年土官岑瑛執送總兵柳溥械至京師錮之錦衣衛獄是年太監吳誠坐征麓川失利弗救法司論辟雖得有死未必卽給事官中所傳老佛語誠伏地謁賜鵝肉誠拜而哭其事亦不足信崇禎中華都尉永固請以建文帝入祀典思陵曰建文無陵從何處祭於是言者謂當祔西山不封不樹之說而考尋成祖禮葬之蹟誤矣客座贅語建文帝壬午遜位至正統復出移入京師大內載於紀傳然西山不封不樹之說毫無髮髯帝京景物略黑龍潭北十五里曰大覺寺宣德三年建寺故名靈泉宣宗易以今名數臨幸焉今圯矣金章宗西山八院寺其清水院也

珂雪齋集法雲寺在西山後遠視惟一山近則山山相倚如笋包箨其根爲千年雨溜洗出石骨每山窮處卽有小峰如筆格寺枕最高處近寺有雙泉鳴於左右過石梁屢級而上至寺門內有方池石橋間之水泠然沉碧雙泉交會處也上有銀杏二株大十數圍至三層殿後乃得泉源西泉出石罅間經茶堂兩廡繞雷而下會於前之方塘是名香水也有樓登之可以看諸山右有偃蓋松可蔭數畝故老云金章宗游覽之所凡有八院此則香水院也實錄景泰七年十月以故太監李德所建靈福寺併園地賜錦衣衛百戶李安爲香火院帝京景物略韓延壽墓在罕山之南碑甃阜高以丈非漢碑也志云有故碑剝落今碑不復存

長安可游記自南山磨石口登海會寺寺當山缺遠見盧溝橋在數十里外橋柱歷歷可數

帝京景物略從磨石口西過隆恩寺寺金大定四年秦越公主建名吳寬寺正統四年太監王振修之改名

長安可游記隆恩寺一楹一松絕奇古殿後大士云是唐遺像又有修竹百竿一亭據之繞以流觴曲水燕都游覽志隆恩寺在海會寺南金大定中秦越公主冊殿中供器皆大內舊銅物也後有滲金佛三大士一云是唐時所造又有小軒蠟梅一株甚大江南亦不多得

黑達事略忒沒真之墓在盧溝河之側山水環繞插矢以爲垣邏騎以爲衛闊踰三十里相傳忒沒真生於此故死葬於此

燕都游覽志蘇軾詩曰北渡桑乾冰欲結心畏穹廬三尺雪南渡桑乾風始和冰開易水應生波蓋桑乾下流爲盧溝以其濁故呼渾河以其黑故呼盧溝燕人以黑爲盧水本一也

長安客話盧溝橋金明昌初建正統間重修長二百餘步左右石欄刻獅子數百枚情態各異

戴司城集盧溝有石橋橫跨二百餘步橋上兩傍皆石欄雕刻石獅形狀奇巧金明昌間所造兩崖多旅舍以其密通京師驛通四海行人使客往來絡繹疎星曉月曙景蒼然亦一奇也

潞水客談桑乾水發源於渾源州經保安之境則自懷來夾山而下至盧溝橋復窩地方衝溢爲患漫至彰義門先朝屢經修築爲費不貲今保安境上間有

用土牛通水成田者若督責有人多方招募使桑乾上流皆引水成田則豈惟保安之田恃以無患而懷來以下水患亦殺矣

黃圖雜志元時盧溝橋畔有符氏雅集亭見蒲道源開居叢榮袁桷清客居士集謂之酒亭貢奎雲林集謂之野亭袁詩云茅屋疎煙報午雞金沙清淺水亭低則謂之野亭可也貢詩云聚此一畝宮而有靜者居濁醪得釀法好客時與俱則謂之酒亭可也

破夢間談盧溝曉月爲畿輔八景之一崇禎三年後風景蕭條議者謂此畿輔咽喉宜設兵防守又須築城以衛兵於是當橋之北規里許爲斗城局制雖小而崇墉百雉儼若雄關城名拱北二門南曰未昌北曰順治棚於崇禎丁丑特設參將控制之

辛齋詩話盧溝河畔元有符氏雅集亭蒲道源詩盧溝石橋天下雄正當京師往來衝符家介側敞亭構坐對奇趣供醇醪又有野亭見貢仲章雲林詩集今一望礪礪井居民亦寥寥也

蔚丘集盧水在帝京西南其北有村曰青菰入谷一里有何將軍別業

湛然居士集仰嶠叢林爲燕京之最泰和中主事僧奏請萬松老人住持上許之萬松忻然奉詔其後章廟秋獵於山主事輩白師故事車駕巡幸本寺必進珍玩不爾則有司必有詰問師曰富有四海貴爲一人豈需吾曹珍貨哉手錄偈一章有成湯符野恢天網呂尚漁磯浸月鉤之句詣行宮進之大蒙稱賞翼日章廟入山行香屢垂顧問仍御書詩一章遣之車駕還宮遣使賜錢二百萬使者傳勅命師跪聽師曰

出家兒安有此例竟焚香立聽詔旨

趙孟頫仰山棲隱寺滿禪師碑略師名行滿字萬山俗姓曾氏其先出東晉曾子後祖仕江右遂爲太和入至元庚辰至仰山有會心處遂留難髮禮澤菴爲師參學四方雲門臨濟皆得其髓大德癸卯學者請師歸舊隱聲聞大振武宗在北邊下令施鈔萬貫造文殊菩薩像思幸其寺賜號佛慧鏡智普照大師今有司作尊勝塔於東嶺及建明遠觀光二亭以備臨幸蓋棲隱寺始建於遼至師爲二十六代云云銘不具載

長安客話盧溝橋西北三十里爲灰廠出灰廠入山兩壁夾徑行百折徑盡始見山門有高閣在山中央可望渾河蓋山麓至中板橋僅十餘里爾閣後有軒皮巖上折而右即戒壇壇在殿內甃石爲之中有高座爲每年設戒之地周圍皆列戒神四月八日游僧畢集聽戒壇棚自隋唐間國朝重建遼金時所植松具在

滿碧堂集戒壇入山二十餘里始見山門壇在殿內閣前古松四株翠枝穿結覆蓋一院

墨響齋集登獅子巖凡十八轉始及戒壇壇爲景皇帝區畫地開山即鵝頭法師名道孚者燕都游覽志戒壇在西山最深處渡渾河西行可二十里兩崖中通一徑丹林黃葉與青巒碧澗錯出如繡遠望西北一峰如靈壁石以爲戒壇必在其下過末慶菴呼山僧問之曰極樂峰也西行不五里石闌丹壁已至寺門寺肇自唐武德中舊名慧聚至明正統乃易名萬壽殿墀四松離奇天矯皆數百年物折

而北一坊西向額曰選佛場殿宇宏麗闌楯參差壇上殿中以白石爲之凡三級周遭皆刻戒神出壇而南至波離殿殿前遶金碑各一皆波離尊者行實也有太古洞最勝列炬而入百乳千螺俱成佛像不知其深幾里也

帝京景物略過末慶菴一里爲萬壽戒壇正統中如幻律師說戒於此殿外金遶碑各一上千佛閣俯渾河正曲句其三面如玦然閣之下幻師安禪處其遺衣鉢藏焉西上石徑上極樂峰道也觀音洞大於室化陽洞洞口垂藤幕之秉炬入如智井半里有龍躍有魚游有獅坐石乳所疑也再入有石佛危坐西磚一穴冥冥然下與渾河通洞一名龐涓洞又有洞名孫贖者在此洞西其廣二十笏一石龜伏焉二子師鬼谷在扶風然贖故燕人房山上樂村有孫贖墓碑誌存焉以二洞故指山下枯澗爲馬陵川是山適名馬鞍謬也西又五里至極樂峰峰下亦有洞石乳痕滴終歲人無至者

長安可游記潭柘寺東有泉出石罅中黃葉白雲繚繞其上疏其滯葉泉聲益琤琤不絕

春明夢餘錄潭柘寺晉曰嘉福寺唐曰龍泉寺舊志謂有柘千章今無矣燕人諺曰先有潭柘後有幽州此寺之最古者也

問次齋稿潭柘寺相傳寺趾本青龍潭上有柘樹祖師開山青龍避去潭平爲寺今殿壁猶是遺金前所繪

耳潭西山潭柘寺殿中二蛇長五尺餘名大青二青藏紅篋中篋標護法龍王蛇無定止或自逸野中鳴

鐘則至恆自篋穿罅足交蟠供桌上

縱山集潭柘以一培塿當羣山心九峰展而立焉兩殿賜工絕金元時故物也

帝京景物略潭柘寺去都西北九十里徑羅喉嶺行聚棘中藉山四合里許一山開九峰列見寺雙鷗吻

今佛殿基故潭也華嚴師時潭龍聽法一夕大風雨潭則平地兩鷗吻湧出今殿角鷗也柘今已枯長不盈丈寺有青蛇大如盤長五尺僧能馴擾之呼曰龍

子妙嚴公主持觀音文禮大士拜痕入碑額手足五體皆印歲久碑壞兩足痕存萬曆壬辰孝定太后匣

取入覽後遂匣藏之紫柏係以贊像四林立大士前左前元世祖右前其左次其子右次妙嚴也妙嚴

祝髮於是塔是山之下寺碑六金碑二明昌五年僧重玉詩大定十三年楊節度記元碑二至正八年葛

天麟記至正某年危素記明碑三正統某年胡濙記弘治十年謝遷記萬曆中紫柏送龍子歸潭文也寺

晉梁唐宋代有尊宿而唐華嚴爲著元至正間順帝賜雪礪酒皇妹致膳明永樂間則姚少師道衍萬曆

間則達觀大師真可寺先名嘉福後名龍泉獨潭柘名傳久不衰

紫柏禪師語錄潭柘寺有元妙嚴公主拜觀雙趺隱然幾透碑背相傳妙嚴爲元世祖女削髮居此日禮

觀音不輟遂畱此跡萬曆壬辰孝定皇太后欲經懿覽時以花梨木匣迎入大內後復送歸寺

游業潭柘山環山無柘惟殿左有枯株久仆云是龍淵遺蹟寺碑胡尚書漢文夏太常題書也寺肇於唐

重飭於金大定間元煥於兵國朝宣德初更拓賜名

龍泉寺

帝京景物略雀兒菴在潭柘後山五里金章宗幸此彈雀彈發不虛章宗喜即行帳爲菴曰雀兒後方僧來住以臆造佛母孔雀明王佛像遂更孔雀菴然人呼雀兒菴如初

帝京景物略府西一百二十里由王平口過大漢嶺抵洽河口元女廟是百花山足也

長安可游記由門頭村登山數里至潘闌廟三里上天橋從石門進二里至孟家衛衛民皆市石炭爲生

三里至流水壺泉自石罅分流通灌園坂磴三里至官廳路凡七折至風口巖兩山踞立如門有菴房數

間徑十字道踰磴數里折而下爲王平口山坳多核桃樹石壁峭削如碧玉又數里至齋石臺路亦峻又

數里至板橋村莊多以石板覆屋至千軍臺四山空翠欲濕衣樞出谷二里許爲王老菴石澗淙淙有聲

十五折見高松如蓋出天際乃大漢嶺也踰嶺有大士殿松下石碑字俱蝕不可辨盤曲而下數里至泥

窩三里上楊家臺極頗平又里許下坡入山谷有澗水浸山根石皆赤亦有碧者從亂石徑中行二里出

谷爲軍下村溪澗十丈餘平沙細石流水分兩村下引入地畦再北有石廟自廟涉澗則西河村也又二

里爲龍王廟相近有守禦城出小西門元女廟在焉四鎮三關志王平口正城一道上四口俱弘治年建

帝京景物略渡石澗上馬關山折旋左右至法幢菴五里可容騎又五里離徑坦然矣妙菴也

長安可游記出洽河守禦城西門渡石澗進馬關山曲折上坂石子磊磊難步陟至法幢菴又五里至馬

曲折上坂石子磊磊難步陟至法幢菴又五里至馬